

四川府縣志輯(新編) ⑥5

中國地方志集成

同治直隸理番廳志
民國懋功縣鄉土志
等十一種

中國地方志集成

四川府縣志輯（新編）⑥5

同治直隸理番廳志

民國懋功縣鄉土志

等十一種

巴蜀書社 · 鳳凰出版社 · 上海書店

第六十五冊目錄

同治直隸理番廳志	一
民國懋功縣鄉土志	一九五
民國撫邊屯志略草案	二〇三
道光綏靖屯志	二一一
民國崇化屯志略	三二三
民國康定縣圖志	三三三
民國爐霍縣圖志	三七五
民國甘孜縣圖志附俄落志	三九一
民國瞻化縣圖志	四二五
民國白玉縣圖志	四六七
民國德格縣圖志	四七九

同治

直隸理番廳志

清·吴羹梅 修 周祚嶧 纂
同治七年刻本 六卷首一卷

直隸理番廳志序

理番古嚴疆也漢以前爲徼外荒地唐代吐蕃特盛強肆侵凌其地東隣汶漣徧近成都東北距松潘毗連青海西南距懋功可通爐藏西北沿階州文縣直達長安正北抵草地生番與洮岷皋蘭接壤撫馭失宜隴蜀震驚唐之前車可鑒已溯漢及明羈縻恐後控制裕如寂無聞焉我

國家聲教暨託東漸西被幅輳之廣超越無前自勒烏圍美諾及伊犁新疆萬餘里罔不延頸企踵來高來王匪羈縻之實控制之匪控制之實變化之理番廳志

聖神相繼威震遐方則成臻効順也變化伊何三百載敷

養兼隆風清殊俗則咸與維新也導揚盛美規規將來誠賢大夫責哉地山司馬權知廳事時適三

載內安外攘治具畢張念文獻之無徵撫升鉞而思奮不以

爲謂陋延任纂修原夫古之地志僅存禹貢職方張其要旨惟方域山川風俗物產是

紀元和志初涉古蹟太平寰宇記復增人物藝文漸趨繁縟元明以降體例益消去古愈遠矣考周

禮小史掌邦國之志外史掌四方之志志與誌同

義取記誌也又與識同謂有所標識異日可按而知也自班氏漢書郡列十志各州郡邑歷代相沿體欲謹嚴詞欲質實旨欲宏深義主於信今傳後足垂久遠志豈易言哉銳意編輯與司馬及同事諸君互相參考閱六月告成立綱陳紀則奉四庫書目爲宗餘則馬氏通考王氏玉海毛氏全集楊氏全蜀藝文志胡氏禹貢錐指皆所旁按而以顧氏方輿紀要四川通志爲據焉至前保縣令衛北陳公舊本則又前事之資未敢得魚忘筌也嗟夫道熙之志三山附山川於寺觀未免不倫至

元之志嘉禾有人物無官師亦殊缺略志豈易言

哉失簡失繁吾知不免矣願有迨正之

同治五年歲次丙寅仲秋月安岳周祥峰序

理番廳志

二

直隸理番廳志序

朝廷設官分職以爲民也至番民雜處則治番與治民其輕重緩急憑虛而談治理靡不失之蓋治民有道經其衣食澤以詩書董以官司隆以學校如是則民自治番有道積威以震疊之信信以懷柔之而又謹其關隘修其武備以思患而預防之如是則番治番治而民乃得安於耕鑿習於禮義以遂其生而復其性斯廳之設

國家所以爲番計者無非爲民計法至良恩至渥也有守土之責者敢忘撫綏柔輯以求報稱於萬一

理番廳志序

哉顧山川險夷官師控制歷代沿革不同古今事變宜究非有前事之師且苦茫無所據志固可以已乎

受梅

奉徵斯廳既蒞任索志無之亟欲經始

適奉

制府

公命會剿松潘應屬夷務未遑旋有下孟

屯穆逆之亂沈機觀變焦心勞思積二年餘罪人斯得善後一切復耗居諸又因校磨土日凌其土司太阿倒持欲行廢置羣會被脅幾弄兵端撫馭多方承襲乃定仰賴

天子威靈上官指授得以從容措置寒此消渴免成工

河屯土成安間開胥靖向之磨墨磨頭者今而可以徵文考獻矣而

大憲飭修通省志檄亦下爰設局擇紳廣搜博採復延周君祥峰主其事相與朝夕商度其今昔異致者於前保縣令陳君衡北書編事多增損名雖爲因實則創始志成爰敘簡端以告來者茲訂則教諭李光衡照磨胡烜分校則候選訓導莫如德候選府經歷曹顯名貢生馮岫廩生楊鍾漢熊玉堂徐澤浦馮爲模文生袁湘何文彩張愛棠採訪則監生鄧國琳例得備書

理番廳志序

卷一

二

同治五年歲次丙寅仲秋月權知理番廳事申州同始吳美梅撰

直隸理番廳志

凡例

一元至大金陵志用表威光以理志步於西史册之識者謂其深明體例茲倣四川通志各府直隸州各爲圖表之例載入

一廳爲邊陲重地

列聖相承

文德

武功煥昭千古崇錄弁首匪直簡策光也念

青旂之憂勤咏

理番廳志卷一凡例

前平之盛美勵精圖治能勿拳然

一谷志多列星野然言蜀分者略以前主背參隋

以後主井鬼非以變動靡常與茲廳一統志謂

在井鬼分野鶴首之次陳志謂天文井參分野

人參一度又各不同特據治歷家言雜谷廳北

極出地三十一度四十分偏西一十三度一十

三分三釐谷北極出地三十二度偏西一十一

五分四釐偏西但記晷度於此而不列入日

一十四度二分刪星野之談天測斗極之出地遵乾隆時

欽定熱河志例也

一聖賢事蹟典禮及羣祀諸儀節之編未免傷繁

綠地處偏隅書籍罕覯文卷缺如川詳悉臆陳

庶留心掌故者不無小補云

一徵文引事既分別部居則體例攸關不宜雜則

是編於無可附入者倣古外紀雜紀諸體立志

存一門以羅遺文遺事

一編中有云舊志者或係舊四川通志或係舊威

茂志年遠無稽今姑仍之其曰陳志則銜北陳

公所輯也

一陳志輯於乾隆三年保縣尚隸茂州援引致多

理番廳志卷一凡例

提廷故刪之又雜谷廳尚屬土司五屯舊未經

改流援引不無疎畧故益之至大小金川各酋

雖列土自雄貴歸保縣管轄故陳志云轄土司

六其時尚有七土九今雖改隸他廳往事快文

未可悉聽漸減故篇中附存什一於千百焉初

非無端泛引也

一陳志規模雖具究屬稟本藝文所載詩古文詞

已作居多亦未刪削今擇其尤者並志叙小敘

刻之以彰厥善至現在人著作其無關政治者

概置弗登

二

一今志有發明辨證處用按字空一格寫或另行
易陳志按字另加口其餘隨文附見者不在此
例

一兩金川歸順後雜谷土司奢旺不法經
公奉
第二

命平定分其地爲五屯百餘年來囁囁向化詎同治乙丑
春穆酋背順效逆仰賴

天威遠暨

各憲洞悉機宜得以殲厥渠魁又安邊境極信任之

專無牽制之虞與合人感激思奮當日情形何

理番廳志卷一凡例
三

可沒也爰將密稟及

大憲奏章善後條例刻之志存以備稽考

直隸理番廳志目錄

卷首

序例 沿革表 輿地圖

上諭

卷之一

輿地 郡縣沿革 疆域 山川 野居
賦役 風俗 物產

卷之二

建置 職官 城池 祠廟
公署 關隘 橋梁

卷之三

理番廳志目錄

學校 聖賢 祀典上

卷之四

學校 祀典下 名宦 鄉賢 忠義
節孝 學額 人物 選舉

卷之五


邊防 籌備 兵制 土制 屯制
武功 夷俗 喪事

卷之六

藝文 奏疏 詩 賦 說

卷之六

志序



直隸理番廳志

夏章

聖祖仁皇帝

江源考

中國水之大而流長者惟河與江其源皆出西番界河之源自元史發明之後人因得知其大略江之源則從未有能確指其地者鄭道元水經注頗言其端委而於發源之處則云以今所聞殆未濫觴道元亦闕疑而弗敢定也今三藏之地俱歸版籍山川原委皆可按圖以稽乃知所謂岷山導江者江水泛濫中國之始禹從此理番廳志卷一 宸章

水而導之江江之源實不在是也江發源科爾坤山之東南有三泉流出一自西巴顏哈拉山流出名七七拉麻穆七七拉嗎納一自巴顏吐呼巴顏哈拉山流出名七七拉嗎納一自巴顏吐呼巴顏哈拉山流出名七七拉嗎納土人名岷担撮岷担撮者譯言岷江也是為岷江之源南流至岷納克地名鴉龍江又南流至占對宜撫司會打冲河入於金沙江東流逕雲南境至四川叙州府與川江合是真江源根據後人但見打冲河之人金沙金沙之入川江而又據禹貢東別為沱之文謂川江為岷江湖流以窮源謂江源必在黃勝關外不知鴉龍江之上流實為江源也故導江之江有蜀江離江錦江都江

之稱隨地隨時異名而不得專岷江之目者非其源也
宋范成大陸游亦嘗言之范成大吳船錄曰江源自西
戎由岷山澗壑中出而合於都江今書所云止自中國
言耳陸游入蜀記曰嘗登岷山欲窮江源而不可得蓋
自蜀郡之西大山廣谷西南走蠻箐中皆岷山也則江
所從來遠矣二說皆知黃勝關流入之江非江源而不
能定其所在後人反據禹貢文以辨其非漢書地理志
謂岷山在湔氐道西徼外江水所出言雖無弊特不知
所謂徼外者今科爾坤山之東南耶抑即黃勝關外地
也元史云江水出蜀西南徼外東至於岷山而禹導之
理番廳志卷一 宸章 二

可謂得其方也而不能明悉如記河源者蓋河自都實
奉使役始得其源大江清發之地從無人至者元世祖
南征即從蔥嶺而南直達天竺繡甸由雲貴迺湖廣以
返路在江源之外故不得其詳也然亦有至其地而究
未能辨之者明之宗泐是也宗泐使西域歸云西番休
必力赤巴山有一水在東北者爲河源在東南者爲聲
牛河江源也聲牛河即麗江一名金沙江者宗泐但見
是水之先合於金沙江而後合於川江不知金沙江別
源於西番之乳牛山去江源西千餘里乃謂岷江即金
沙誤矣數家之說猶近於影響其餘荒唐散漫更無可

採隋經籍志有尋江源一卷其書不傳聞見地記有引
之者其說云岷江發源於臨洮木塔山臨洮今洮州衛
洮河橫亘於南江豈能越洮河而南下耶卽有其書必
多舛錯亦不足觀已惟明徐宏祖有溯江紀源一篇頗
切於形理宏祖曰河入中國歷省五而入海江入中國
亦歷省五而入海計其吐納江倍於河按其發源河自
崑崙之北江自崑崙之南按崑崙卽科爾坤之北非真崑崙也非江源短
而河源長也又云北龍夾河之北南龍抱江之南中能
中界之北龍祇南向半支入中國惟南龍磅礴半字內
其脈亦發於崑崙與金沙江相並南下環滇池以達五
理番廳志卷一 宸章 三

嶺龍長則源派亦長江之所以大於河也至李膺益州
記曰羊膊嶺水分爲二脈一東南流爲大江一西南流
爲大渡河元金履祥釋禹貢從之夫大渡河源發於四
川大邑縣之霧中山至嘉定州合川江其去岷江真源
東西相隔千餘里去禹導江之處南北亦相懸五百餘
里禹導江之處在今黃勝關外乃諸山而云俱發於羊膊嶺何其謬耶
此皆未得其真惑於載籍以意懸揣而失之也學者
從而徵之故詳記江源并論列諸家之說於篇

高宗純皇帝

滴博達婆考

杜甫詩有已收滴博雲間戍更奪蓬婆雪外城句爲和
嚴武軍城早秋作法之若謂滴博蓬婆西山地名或云
滴博西山城名蓬婆吐蕃城名或又於滴博下注云嶺
在維州至何以謂之滴博蓬婆則未詳其義按武爲劍
南節度使廣德二年連破吐蕃詩正作於此時今維州
橋在汶川其外卽番境諸番卽吐蕃種類向聞促浸逆
酋有欲佔維州橋之語並聞此地以此語造爲歌曲流
傳已久則唐時或曾占維州境亦未可知故云已收滴
博也又今以維州以外爲西路與嚴武所稱西山亦合
惟滴博蓬婆以內地字義解之輒不得其說考番語卽
理番語志卷一 宸章

唐古特語唐古特謂樓曰丟切焉今地名亦有訛稱

兜烏者丟烏急讀卽爲砌故今以番人所居之樓爲砌
其實砌於字書爲石室兼樓稱之義始全但言砌者猶
從番語耳又唐古特閉頭巴字亦讀作幹視其語所應
用者而分之或當時有粗識番字不解字義之人讀幹
爲巴丟巴再轉遂爲滴博亦猶元姓却特誤爲奇渥溫
由粗識蒙古字形之人妄爲離合因傳訛耳又蓬婆亦
唐古特語朋博之轉朋博者堆阜之謂今之色湖普爲
賊番就堆阜築砌之所則朋普當卽朋博之訛色蓋色
爾番語所謂金也茲因紀色湖普之捷考訂如右

將軍阿桂奏攻克噶喇依賊巢紅旗報捷喜成凱歌

首

甲午桃花寺驛停軍書正此俯窗探甲午春恭謁
會自鎮夷來往至驛底柳望軍
名前長句之句今果名符佳蹟幸哉今日仍凭處綠柳
中飛一點星

勒圖之則成爾字報捷夜行營三月二十重值上

陵盡返程二月十一刻萬人齊色喜光明日月永銷兵

三穴猶延一月餘距今二月初四報捷計四十餘日賊

雖負隅死守然官兵奮勇攻六軍奮勇豈饒渠周遭火

器燧攻處早燭區區釜底魚

理番語志卷一 宸章

旬餘棲驛八朝至始至此大二月四所奏紅旗於十

二日未刻遂到僅行八晝夜可謂迅速因一片紅旗萬

馬飛夾路羣番喜且懼國之慶也國之威

險惡山川靖梟獍邪深機械絕根株從今番部都安堵

強食奸欺自此無今種葛藟穡除諸番從此可以安富

太平

羣叢絕險陰妖氛百戰功成古未聞鼙鼓聲聲凱歌

羌兒稽首送將軍

堅砌林立萬重山破險衝鋒應盡艱奏績都資軍將力

紅旗一道入桃關

姜維征處號維州監義戎人語謂蜀有黃龍屯壘而名
昔吐蕃佔得其地號爲無憂城大肆侵掠番人盡割開
而欲去之是以有徐至維州擒之謀今全川全隄割平
安設城鎮皆成內地今日勒圍爲內地無憂城果是無
信可謂之無憂矣

憂

盼捷經冬復入春垂成偏覺意塵煩今宵料得方安枕
明告慎哉用武人

流離此日穴巢傾者定從茲可能兵歌凱莫教容易罷
五年功幸一朝成

故四川提督三等威信公岳鍾琪贊有序

漢提鎮中有功可錄者雖不乏人而宣力

理番廳志卷一 宸章

六

三朝名震諸番者無出岳鍾琪右故特表之鍾琪陝西臨

洮人初由同知改武任游擊

聖祖時已擢四川提督雍正元年授奮威將軍征青海有

功予三等公爵旋遷川陝總督七年授南遠大將軍由

西路征勦噶爾丹策凌十年大學士鄂爾泰劾其玩忽

縱賊奏報不實部議革職銜削公爵

皇考宥之仍留總督任護大將軍印降公爵爲三等侯載

罪立功張廣泗復劾其怪僻乖方遂罷職削爵付法司

約訊擬以大辟疏

留中子踐祚初命免罪回籍乾隆十三年以總兵銜勦金

川逆曾尋授四川提督會大學士傅恆經略金川軍
番酋畏備乞降鍾琪奉經略命輕騎入番巢曉以順逆
示之不疑涉羅奔即抒誠乞降旋凱仍以三等公爵賜
號威信並製詩以獎勵之十九年赴重慶督緝墊江逆
匪陳琨等事竣還卒于資州賜卹如例鍾琪任川陝總
督時湖廣逆犯曾靜遣張熙投遞逆書鍾琪陽與設誓
誘其吐實即奏逮治其蓋誠既足嘉智略亦深足取
子每以此事念之鍾琪弟鍾瑄繼爲四川提督番人亦
素信服惜其後無能接踵者

二朝師武臣鍾琪爲巨擘車騎伐準夷實其計之失
理番廳志卷一 宸章

七

當爾月策時議用車戰因謂車戰
肆習之終歸無用未免泥古之失耳
設誓誘張熙忠
誠天鑒赤家居十餘年命蒞金川役以鍾琪釋歸十餘年
用一切威備皆能準時入番
使逆酋畏其乞降誠足嘉也
單騎入賊砦大義示順
逆勇而且行謀罕番番辟易受降遂凱旋實亦資宣力
所見綠營多鮮或踵其述卓有古將風書勳太常冊

上諭

聖祖仁皇帝

乾隆三十八年四月庚戌

上諭軍機大臣口溫福覆奏屯兵在軍營實屬得用當逾格拔擢若僅予獎賞加銜尙不足示鼓勵屯兵既籍流官卽與綠營相仿嗣後各路將軍等攻勦卡爾屯兵中如有實在出眾者卽以綠營千總外委等缺拔補一二入使其倍加感奮於軍務更爲有益

乾隆四十三年五月二十日

上諭四川提督明泰土守備阿忠強奪屯番地畝復任性

理番廳志卷一 上諭

八

宮怒責斃三人並侵蝕卹賞銀至一千餘兩之多請照例擬監候等語所辦殊屬非是金川蕩平以後安立耕屯設官分守遇有屯弁等不法之事卽應照西城新弼之例繩以重法庶可懲一儆百今阿忠敢於貪酷妄行若此自應一面將其家產查抄一面奏聞將阿忠於該處卽行正法以昭炯戒乃僅照內地律例擬以監候此時既不足以示儆將來勾到時卽將伊處決業已時過事忘愚番俱不解其何故豈足以肅法紀而申勸懲何如此不曉事體况阿忠貪酷各款俱係文在將軍任內之事土司係其專管乃竟漫無覺察所司何事

明文

著傳旨嚴行申飭令文等卽將阿忠在該處正法並派選明幹可信大員前赴該處將阿忠家產查抄入官卽行據實具奏仍曉諭各番俾知儆懼守法以示辟以止辟之義將此由五百里傳諭知之

乾隆五十八年正月內奉

上諭向例出征陣亡兵丁綠營步兵賞卹銀五十兩屯練降番祇賞卹銀二十五兩此次進勦廓爾喀之屯練降番登山涉險甚爲勞苦所有陣亡之屯練降番俱著加恩改照綠營步兵之例賞卹銀五十兩以示體恤兵丁舍命陣亡豈可分別厚薄此後水以爲例著惠齡曉諭理番廳志卷一 上諭

九

乾隆五十八年五月內奉

上諭向來綠營陣亡官兵俱給予世職俟襲次完時給予恩騎尉世襲罔替原以軫卹勤勞特加優典至屯土官弁遇有征調無不踴躍爭先著有勞績而臨陣捐軀者向止給與賞卹銀兩分別加銜並未一體議給世職該屯土員弁與綠營同一効命疆場而卹典各殊究未免稍覺向隅嗣後屯土官兵遇遇調發有隨征陣亡者均著照綠營之例按照實任職分給與世職襲次俟襲次完時再給予恩騎尉世襲罔替再此等承襲世職人員

遇有該處屯土備弁缺出著先儘此項人員酌量拔補
如此逾格加恩永爲定例該屯土官弁等益當倍加感
激盡力戎行以副朕一視同仁獎勵忠盡之至意所有
此次進勦廓爾喀應行議卹之陣亡屯土官弁卽照此
例辦理並著宣諭知之欽此

仁宗睿皇帝

嘉慶元年九月內奉

上諭湖南省自勦捕苗匪以來征調各兵打仗俱爲出力
屢次加恩普賞錢糧鹽菜銀兩茲聞該處山深僻窳晴
雨寒燠不時兵丁等染受瘴癘致有疾疫而屯土弁兵
理番廳志卷一 上諭

十

不耐炎暑因病身故者頗多殊爲惻然該兵丁等出力
勦賊染疾身故與尋常在軍營病故者不同著卽交姜
晟等查明除現在患病者抽換回至辰州俾資調養外
其有因瘴身故者均著奏聞照陣亡例交部賞卹並著
先行傳知各兵俾知感奮以示朕軫恤勤勞格外施恩
至意欽此

同治四年四月二十七日

上諭四川總督岑奏屯弁擁眾抗拒官兵立時撲滅請
將出力各員獎勵一摺四川理番廳屬下孟屯增設
守備穆祖索朗及其子穆裕寬剋扣屯餉逼脅屯兵

謀叛溫斃多命搶劫馬匹資財擅調官兵挾制地方
官逮經查辦復敢盤踞屬城幸屯兵均知大義不敢
抗拒官兵署同知吳漢梅等督帶兵勇將首逆穆祖
索朗及其子穆裕寬擒斬正法餘黨勦滅五屯悉臻
底定所有出力各員尙屬著有微勞署理番廳同知
試用知縣吳漢梅著仍以知縣歸還缺前先補用並
賞加同知銜賞戴花翎都司李耀龍著以游擊儘先
補用守備楊先登著以都司儘先補用以上二員均
著賞戴花翎照磨汪嘉謨著以縣丞補用從九品任
實謙著以州吏目留於四川遇缺前先補用生員吳
如德著以訓導不論雙單月選用以示鼓勵該部知
道欽此

理番廳志卷一

上諭

十

直隸理番廳志卷一

輿地志總

鵠首揚輝星明井絡蠶叢啟運地闊參墟天府之雄由來尙矣惟茲廳治密邇西戎實爲成都府背昔人云松茂威盛如一身然松潘首也嘉溪喉嚨也茂州胸腹也東之土門西之保縣皆手足也

王者綱紀天下統馭羣生郡邑分焉大和會也形勢憑焉資控制也貢賦納焉明效順也輶軒採焉備風謠也物土宜焉務播育也販章孔厚撫字維艱守土者其敢忽諸作輿地志于目首都縣沿革其理番廳志卷一輿地志

主

域山川里居賦役風俗物產以次舉焉

直隸理番廳志卷一

輿地志一

郡縣沿革

廳治禹貢梁州之域

唐虞爲氏羌地

周爲蜀羌

秦分四十郡梁曰蜀郡別冉駹爲前氏道

漢武帝平西南夷置汶山郡廣柔縣屬焉旋隸蜀

郡後漢因之

蜀漢亦屬汶山郡晉因之後沒於羌

理番廳志卷一輿地沿革

主

隋開皇時置薛城戍後亦爲羌所沒

唐武德七年白狗羌歸附始置維州貞觀元年羌

叛州廢明年復歸順左降爲羈縻州隸茂州都督

府麟德二年復升州天寶初曰維州郡乾元元年

復爲維州廣德初陷於吐蕃太和五年收復尋棄

其地大中三年復內附

五代蜀亦曰維州

宋景德三年改曰威州亦曰維川郡神宗時復併

保甯爲威州治領縣二保甯通化

元以州治保甯縣省入立威州總管府及軍民安